



REPUBLIKA E SHQIPËRISË

**KOMISIONERI PËR MBROJTJEN NGA DISKRIMINIMI
KOMISIONERI**

Nr.253/4 Prot.

Tiranë, më 20.07.2026

V E N D I M

Nr.198, Datë 20.07.2026

Bazuar në pikën 11¹, të nenit 33, të ligjit 10221/2010 “Për Mbrojtjen nga Diskriminimi”, të ndryshuar², Komisioneri për Mbrojtjen nga Diskriminimi³,

K O N S T A T O N:

Bazuar në nenin 32, pika 1, gërma “a”, të ligjit nr. 10221, datë 04.02.2010 “Për Mbrojtjen nga Diskriminimi”, të ndryshuar, Komisioneri ka shqyrtuar ankesën Nr. 193 regj, datë 11.09.2025, të paraqitur nga subjekti ankues A.D kundër Shoqërisë L.Fsh.p.k, me Nipt MxxxxxxxxxxxxxS, me pretendimin për diskriminim për shkak të gjinisë.

Me vendimin nr.52, datë 06.03.2026, Komisioneri ka disponuar në lidhje me çështjen, duke vendosur:

1. Konstatimin e diskriminimit të ankuesit A.D , për shkak të gjinisë nga ana e Shoqërisë L. F sh.p.k.
2. Në referim të pikës 1, Shoqëria L.F sh.p.k, të marrë masa për korrigjimi dhe eliminimin e çmimeve/tarifave të diferencuara midis burrave dhe grave, për të njëjtat shërbime.
3. Bazuar në nenin 33 pika 11, të ligjit “Për Mbrojtjen nga Diskriminimi”, të ndryshuar, Shoqëria L.F sh.p.k, detyrohet që brenda 30 (tridhjetë) ditëve të njoftojë Komisionerin, lidhur me veprimet e ndërmarra për zbatimin e këtij vendimi.
4. Në referim të nenit 33, pika 11, të ligjit nr. 10221, datë 04.02.2010, “Për Mbrojtjen nga Diskriminimi”, të ndryshuar, moszbatimi i këtij vendimi sjell si pasojë ndëshkimin me gjobë, sipas parashikimeve të pikës 13, të po këtij neni.

¹ “Nëse Komisioneri urdhëron rregullime ose masa, personi kundër të cilit është paraqitur ankesa, raporton brenda 30 ditëve para Komisionerit në lidhje me veprimet e ndërmarra për zbatimin e vendimit. Në rast se personi, kundër të cilit është paraqitur ankesa nuk e informon Komisionerin ose nuk e zbaton vendimin, Komisioneri vendos masë për ndëshkimin me gjobë për personin kundër të cilit është paraqitur ankesa. Sanksioni me gjobë shfuqizohet nëse personi kundër të cilit është paraqitur ankesa, e zbaton vendimin brenda shtatë ditëve pasi është vendosur sanksioni”.

² Në vijim do t'i referohemi me akronimin LMD.

³ Në vijim do t'i referohemi si Komisioneri ose me akronimin KMD.

5. *Kundër këtij vendimi lejohet ankim në Gjykatën Administrative të Shkallës së Parë Tiranë, brenda 45 ditëve nga marrja dijani.*

Rezulton e provuar nga lajmërim marrja e shërbimit postar se, shoqëria L.F sh.p.k ka marrë dijani për vendimin në datën 09.03.2026.

Bazuar në nenin 33, pika 11, të Ligjit “Për Mbrojtjen nga Diskriminimi”, të ndryshuar (LMD), përcaktohet se : “11. Nëse komisioneri urdhëron rregullime ose masa, subjekti kundër të cilit është paraqitur ankesa, raporton brenda 30 ditëve para komisionerit në lidhje me veprimet e ndërmarra për zbatimin e vendimit. Në rast se subjekti, kundër të cilit është paraqitur ankesa nuk e informon komisionerin ose nuk e zbaton vendimin, komisioneri vendos masë për ndëshikimin me gjobë për subjektin kundër të cilit është paraqitur ankesa. Sanksioni me gjobë shfuqizohet nëse subjekti kundër të cilit është paraqitur ankesa, e zbaton vendimin brenda shtatë ditëve pasi është vendosur sanksioni.”

Në kundërshtim me nenin 33, pika 11, të LMD, shoqëria L. F sh.p.k nuk raportoi pranë Komisionerit brenda afatit ligjor 30 ditor, në lidhje me veprimet e ndërmarra për zbatimin e vendimit.

Me shkresën nr.253/3 prot, datë 14.05.2026, Komisioneri kërkoi nga shoqëria L.F sh.p.k informacion mbi plotësimin e masave të dhëna me vendimin nr.52, datë 06.03.2026. Shoqëria L. F sh.p.k nuk ktheu asnjë përgjigje edhe pse rezulton sipas lajmërim marrjes së shërbimit postar se ka marrë dijani për këtë shkresë në datën 15.05.2026.

Sa më sipër, rezultoi e provuar se, shoqëria L.F sh.p.k, në cilësinë e subjektit të gjetur përgjegjës për sjelljen diskriminuese, nuk ka marrë masa për zbatimin e vendimit nr.52, datë 06.03.2026, të Komisionerit. Në këtë mënyrë, shoqëria L.F sh.p.k, nuk ka përmbushur detyrimin ligjor të parashikuar nga neni 33, pika 11, të ligjit nr.10221/2010 “Për Mbrojtjen nga Diskriminimi”, të ndryshuar. Ky mosveprim, kjo mospërmbushje e këtij detyrimi ligjor, në bazë të nenit 33, pika 11, të ligjit të sipërpërmendur, shoqërohet me marrjen e masave administrative, gjobë. Për personat juridik, siç është në rastin konkret Shoqëria L.F sh.p.k, në nenin 33 pika 13 të ligjit 10221/2010 parashikohet se : *“Çdo person që shkel dispozitat e këtij ligji dënohet me gjobë si më poshtë”:.....*
b) personi juridik nga 60.000 deri në 600.000 lekë;.....”

Për sa më sipër, Komisioneri për Mbrojtjen nga Diskriminimi arrin në konkluzionin se, shoqëria L.F sh.p.k, është në shkelje të detyrimit ligjor të përcaktuar në nenin 33, pika 11, të Ligjit nr.10221/2010 “Për Mbrojtjen nga Diskriminimi”, të ndryshuar, shkelje e cila sipas nenit 33, pika 13, të po këtij ligji, është e dënueshme me gjobë.

Në lidhje me masën e gjobës, Komisioneri mban në konsideratë parashikimet dhe kriteret e vendosura në nenin 33, pika 12, të Ligjit nr.10221/2010 “Për Mbrojtjen nga Diskriminimi”, të ndryshuar, ku sanksionohet se: *“12. Kur vendos masën, komisioneri siguron që ajo të jetë: a) e*

efektshme dhe parandaluese; dhe b) në përpjesëtim me gjendjen që e shkaktoi vendosjen e masës. Nëse vendoset gjobë, komisioneri përcakton shumën e gjobës duke marrë parasysh: i) natyrën dhe fushën e veprimit të shkeljes dhe ndikimin mbi viktimën; dhe ii) rrethanat personale e financiare të shkelësit, veçanërisht duke marrë në konsideratë të gjitha burimet e të ardhurave dhe nëse shkelja kryhet nga një person juridik privat, merren parasysh aktivet e bilancit dhe fitimi, si dhe pagat totale të paguara punonjësve; c) nëse e njëjta shkelje diskriminon disa persona, vendoset vetëm një gjobë, por duke marrë parasysh kërkesat e shkronjës “b” të këtij neni.”

Duke mbajtur në konsideratë kriteret e mësipërme për përcaktimin e masës së gjobës dhe bazuar në, faktin që, shkelja e konstatuar prek jo vetëm ankuesin por edhe të gjithë personat e tjerë që marrin shërbime pranë subjektit, Komisioneri, arrin në përfundimin se, shoqëria L.F sh.p.k, duhet të gjobitet me 100 000 (njëqind mijë) lekë, për moszbatimin e vendimit nr.52, datë 06.03.2026.

PËR KËTO ARSYE:

Bazuar në nenin 32, pika 1, germa “ç”, nenin 33, pikat 11, 12, 13, germa “b”, 14 dhe 18, si dhe nenin 33/1 të Ligjit nr. 10221, datë 04.02.2010 “Për Mbrojtjen nga Diskriminimi”, të ndryshuar, Komisioneri për Mbrojtjen nga Diskriminimi,

V E N D O S I :

1. Shoqëria L.F sh.p.k, me Nipt MxxxxxxxxxxxxxxS, të gjobitet në vlerën 100.000 (njëqind mijë) lekë, për moszbatimin e vendimit nr.52, datë 06.03.2026, të Komisionerit për Mbrojtjen nga Diskriminimi.
2. Gjoka të paguhet në Buxhetin e Shtetit brenda 45 (dyzetë e pesë) ditëve nga marrja dijani.
3. Paga e gjobës të bëhet pranë çdo banke në llogarinë e thesarit Tiranë, për llogari të: Komisioneri për Mbrojtjen nga Diskriminimi, NIPT: L02027451K, Kodi: 1091001, Entiteti i Qeverisjes: 001, Distrikti (TDO) 3535, Llogaria ekonomike: 7115499.
4. Zbatimi i vendimit nr.52, datë 06.03.2026, i Komisionerit për Mbrojtjen nga Diskriminimi brenda 7 (shtatë) ditëve nga marrja dijani e këtij vendimi, sjell shfuqizimin e gjobës.
5. Kundër këtij vendimi lejohet ankimi në Gjykatën Administrative të Shkallës së Parë Tiranë, brenda 45 ditëve nga marrja dijani.

KOMISIONER

Genta TAFA (BUNGO)